



THAUM YUAV TAU CIA KOJ TUS ME NYUAM NYOB TSEV

Sheboygan Koog Tsev Kawm Ntawv

Cov lus hais qhia hauv qab no yog cov txheej txheem los pab cov niam txiv kom paub txiav txim siab seb puas yuav xa ib tus me nyuam mus kawm ntawv los sis cia nws nyob tom tsev. Cov ntaub ntawv hauv qab no TSIS yog cov tswv yim yuav siv los kho mob - nws yog tsim los qhia cov txheej txheem kom ua raws li txog thaum koj hu tau rau koj tus kws kho mob los muab kev pab kho mob. Koj yuav tau nrog koj tus kws kho mob tham txog me nyuam yau cov mob.

COVID/Khaub thuas/Ua npaws thiab txham tsos mob: Tag nhro cov tub ntxhais kawm uas muaj COVID-tsos mob yuav tsum tau nyob tsev li 10 hnuv txij li thaum tsos mob pib los sis tau daim ntawv qhia tias tsis muaj COVID. Cov uas xav kuaj thiab tau daim ntawv qhia tias tsis muaj qab mob tuaj rov qab tau yog lawv xis nyob. Cov uas tsis kam mus kuaj qab mob yuav tsum tau nyob tsev li 10 hnuv mam rov mus hnuv 11.

Kev kub taub hau: Kub cev yog qhov qhia tias muaj kab mob hauv lub cev. Tus me nyuam uas muaj qhov mob kub tshaj 101 ° Fahrenheit yuav tsum nyob hauv tsev tu nws tus mob thiab tsis txhob ua rau lwm tus neeg muaj mob. Cov me nyuam yuav tsum nyob tsev kom txog thaum lawv tsis kub taub hau ua rau tus cwj pwm hloov los yog muaj lwm cov tsos mob, yam tsis siv tshuaj noj pab qhov kub taub hau lawm. Yog tias qhov kub ib ce los yog koj tus me nyuam muaj lwm cov tsos mob, xws li caj dab txhav, mob taub hau heev, mob caj pas, mob pob ntseg, ua pob liab liab yam tsis paub tias tshwm li cas, los sis ntuav ntau zaus los yog raws plab, ces hu rau koj tus me nyuam tus kws kho mob.

Mob plab: Hu rau koj tus kws kho mob yog tias koj tus me nyuam mob plab tsis ntaug, cia li mob tam siv, nws ua tsis tshuam taus si, thiab ho kub taub hau nrog, ntev dhaug 2 teev, los sis tus me nyuam muaj lwm yam tshwm sim los sis lwm cov tsos mob.

Ntuav: Yog tias tau ntuav muaj 2 los sis ntau zaus hauv 24 teev, yog cov ntuav ntsuab los yog ntshav, nrog rau kev kub taub hau thiab/los sis ntuav tsis yog los ntawm ib tus mob uas tau paub, cia koj tus me nyuam nyob hauv tsev kom txog thaum nws khaws tau zaub mov thiab haus tau dej nyob tus hauv plab thiab tsis ntuav lawm. Hu rau koj tus kws kho mob yog tias koj tus me nyuam tsis zoo los sis cov tsos mob tshwm sim tuaj.

Zawv plab: Zawv plab ces yog txhais tau tias tau tso quav nkos/ua dej (tshaj txhia zaum) nyob rau hauv 24 teev. Hu rau koj tus kws kho mob yog tias muaj kev txawv txav ntawm koj tus me nyuam txoj kev coj tus cwj pwm, yog tias nws muaj ntshav hauv nws cov quav, los sis yog tias koj tus me nyuam tsis zoo los sis yog tias nws mob ntxiv tuaj.

Mob khaub thuas: Cov me nyuam yaus ces feem ntau yeeb mob khaub thuas. Txawm li los, yog tias tus me nyuam koom tsis tau thiab cov neeg ua hauj lwm txiav txim tias lawv yuav saib xyuas tus me nyuam tsis yeej vim yuav ua kev cuam tshuam rau lawv txoj kev saib xyuas kev noj qab haus huv thiab kev nyab xeeb ntawm lwm cov me nyuam hauv pab pawg no, ces tus me nyuam yuav tau los tsev. Yog tias koj tus me nyuam yws tias mob caj pas thiab tsis muaj lwm tsos mob, ces nws mus kawm ntawv tau. Yog tias pom cov pob liab dawb hauv caj pas tom pob qa, yog tias kub ib ce nrog mob caj pas, los sis yog mob caj pas ntev dua ob hnuv, cia koj tus me nyuam nyob hauv tsev thiab hu rau koj tus kws kho mob.

Mob taub hau: Yog mob taub hau xwb ces tsis tsim nyog cia tus me nyuam nyob hauv tsev tsis tuaj kawm ntawv. Yog tias mob taub hau heev, ua rau ntuav, los sis mob tom qab poob los yog ua raug mob rau taub hau, ces hu rau koj tus kws kho mob tam sim ntawd.

Ngaj sawv pob liab: Sawv cov pob liab kuj yog thawj yam qhia tau tias tsam yuav ua mob. Cov pob liab los yog sawv tej thaj pob thob koj tus me nyuam lub cev tag nrho los sis sawv pob tshwm sim hauv ib cheeb tsam nkaus xwb. Tsis txhob xa ib tug me nyuam tuaj mus rau tom tsev kawm ntawv yog tias sawv cov pob liab nrog tsos mob kub cev los yog tus cwj pwm tau hloov, los sis txog thaum koj tus kws kho mob tau hais tias nws tuaj tau yam tsis txhawj dab tsi. Yuav tsum tau npog cov pob paim kua. Cov neeg ua hauj lwm hauv tsev kawm ntawv tsis muaj cai los ntsuas cov pob liab tias yog mob dab tsi. Tsis tas li ntawd, xyuas kom meej txog koj tus me nyuam cov tshuaj tshaj tiv thaiv kab mob kom tshaj tag raws li sij hawm teem.

Thov nco:

- Tsuas muab tau tshuaj rau me nyuam hauv tsev kawm ntawv tom qab tau ua cov ntawv tso cai muab tshuaj tiav. Thov nug koj lub tsev kawm ntawv txog cov ntawv no yog tias tsim nyog yuav tau ua.
- Hu rau koj tus kws saib mob hauv tsev kawm ntawv yog tias ib tug mob ua rau koj tus me nyuam tsis tuaj kawm ntawv.